



Universitätsbibliothek Paderborn

**B. Alberti Doctoris Magni ex Ordine Prædicatorum
Episcopi Ratisponensis De Adhærendo Deo Libellvs**

**Johannes <de Castello>
Albertus <Magnus>**

Antverpiae, 1621

Cap. LVII. De interpretatione nominis eius, & quare Magnus sit
cognominatus.

urn:nbn:de:hbz:466:1-44148

CAPVT LVII.

*De interpretatione nominis eius, &
quare Magnus sit cognominatus.*

NON igitur frustrà hic Doctor magnus hoc nomen Albertus gerit, si interpretatio ipsius nominis inspiciatur, & ea quæ huic inerant dona iam proposita mente teneantur. Dicitur enim Albertus ab *Al*, quod est altum, & *ber*, quod est fons siue putens, & *thus*, quod nomen est arboris immensæ atque ramosæ, gummi album, solidum, mundum, & odoriferum stillantis. Fuit namque altus in diuinarum scientiarum speculatione, non quidem qualitercumque, sed speciali quadam gratia præuentus illic oculum fixit, quod paucissimis consideratione peruenire donatum est: vnde & alto stilo, quæ intellectu conspexerat, digessit, nec capi faciliter à nobis possunt, nisi transcenis infimis, mente & affectu ad superna transeamus. Hinc etiam in ijs quæ corporalia sunt, cunctos præit ingenio, ut quasi alter Salomon disputare de cedro
quæ

quæ in Libano est vsque ad hyssopum
qui de pariete nascitur , potenter vale-
ret. A ber dictus est, quod fons siue pu-
teus sonat : fons namque siue puteus
fuit iste ob copiam doctrinarum. Cùm
enim ea quæ Medicorum sunt promit-
tant Medici, tractentque fabrilia fabri;
huic tamen in omni libro sicut Danieli
Dominus dedit sapientiam, ut omnium
Facultatum Professores de fontibus po-
tati Alberti , suam extinguerent sitim;
cùm nihil quod scire desiderant homi-
nes, magni Doctoris intellectui credi-
tur defuisse. Et dum nullum scibile ig-
norasse dicitur, putant quidam intelle-
ctum adeptum ipsum habuisse. Quod si
verum est , in quæstione relinquimus,
qui diffinire incerta non nouimus.
vnum tamen affirmare audemus , illud
videlicet, In omnibus experto creden-
dum est Alberto. *This* dictus est, quia
arbor alta cælestis agricolæ manu in
medio Ecclesiæ plantata est hic beatus,
qui ad ardua virtutum omnium se-
semper extulit. Rainosa nimis propter
numerositatem discipulorum : quo-
quot enim ex ipsius doctrina siue suo-
rum discipulorum , scilicet beati Tho-
ma,

mæ, Fratris Ulrici, & alterius Thomæ
iam sæpè dicti scientiis eruditi sunt, &
fructum afferunt; quasi tot Albertus
ramos de se prodire fecit, cùm disci-
pulorum scientia ex tanti Magistri do-
ctrina originem habuit. Hæc arbor
gummi mundissimum odoriferum ni-
mis stillat per sanctæ vitæ munditiam,
& bonæ famæ fragrantiam: nam in om-
nem terram exiuit sonus de bonitate
eius, ita ut imperfecti etiam balbutire
gestiant, perfectè loqui non valentes.
Vel etiam thuris nomine appellatus
est, quia continuæ orationis incensum
deuotione præcipua obtulit Deo, cùm
tantum orationi incumberet, ut Psalte-
rium integrum quotidie personaret.
Magnus verò cognomina tus est, non
ob aliud, nisi ob excellentiam singula-
ris scientiæ in omni re scibili, & præ-
claram famam; eò quod iuxta Humber-
ti testi monium innumerabilem fru-
ctum fama, exemplis, & scriptis per to-
tum orbem fecerit, & frequentes vi-
ctorias contra erroneos & hæreticos.

CA-